




金石文叢稿本

美濃飛驒
信濃

二十九

特別
千10
4622
29



410
4622
29



濃州養老泉碑銘

備藩侍讀近藤篤識



元正御極。王道平平。同民疾苦。因物則天。
當者之郡。多度之山。天降嘉瑞。地出奇泉。
清潔可食。養而不窮。人受其福。王明之功。
一飲一浴。不老不死。衰老再盛。癯瘠可起。
有本如是。萬古混混。君子是取。鑒戒堪存。
陵谷變遷。湮晦是懼。於是建碑。以識其所。

美濃

乾隆五十年歲次乙巳正月吉旦

吳趨程赤城書

菊水銘

大清環翠江大表書

養老之山靈泉出焉名曰菊水其香如名其味如醴
又望瀑水於穹間其布百丈其沫如珠千萬飛散不
可為數量故土人之言曰得延年於如醴莫其壽於
飛沫啟二竒以高峙蒼天瑞而紀季實天下靈塲也
今品天下之水此當居第一汲而釀酒真可無銘銘
曰

酒星昭回靈泉日新不疾不老酌獻君親
二竒癸跡一見統紀一見萬葉集十訓看聞尋昏布
載孝感夏嗚呼靈泉之為靈也久矣但其山名養老

泉稱菊水起於後人菊一名延年今山生之金英皇
皇亦可謂名下不虛也水服二子相謀勒銘山石即
歷萬歲人與石俱不老
文化十三年丙子重陽

尾張儒官 秦 鼎 撰

美濃今尾水谷直方 仝建
尾張城下服部正直

富永貢摹字

明治九年七月十日寫

養老歌碑

美濃國多藝行宮大伴宿祢東人作歌一首
從古人之言來流老人之變若云水曾名爾負瀨之
瀨

大伴宿祢家持作歌一首

田跡河之瀨乎清美香從古宮仕兼多藝乃野之上
爾

正二位前大納言藤原永雅書

萬葉集古義六下

六十八才

美濃國多藝行宮大伴宿禰東人作歌一首

多藝行宮ハ上ニ列ル如ク統紀ニ天平十二年十月巳酉到美濃國當伎郡

トアリテ五日停御シテ翌十二月朔ニ不破頓宮ニ到リ幸セリ和名抄ニ

美濃國多藝郡多神名式ニ同郡多伎神社見テリ古史記景

行天皇條ニ倭建命云一到當藝野上之時詔者吾心恒念自塵翔行

然今古之不得步成當藝斯形故跡其地ヲ謂當藝也云ト見エタリサテコ

ノ當藝タギテ地名由縁ハヨノ歌ニヨシバ瀨ニヨシル如聞エテマキラシカルメ

レト然ニハアラズ倭建命ノ御言ヨリ起ルナリト本居氏ハイヘリナホ次ニ

云ベシの東人ハ同紀ニ廢帝宝字五年十月朔是五位下大伴宿禰東人

為武部少輔部七年正月甲辰朔壬子以從五位下大伴宿禰東人為少
納言光仁天皇寶龜元年六月甲午為散位助八月辛亥為周防守五年

三月甲辰為彈正弼下見エタリ

從古人之言未流老人之變若云水曾名爾負瀧之

人之言未流ハヒトノイヒケルト訓ベシ人ノ云未ケルト云同じキケ切

變若云水曾ハヲツチヲフミツソト訓ベシ此ハ荒木田氏が訓ルニ從ヒツワカエテラ

若ト書ルハ何レモ必知ト訓ヘキヨシ荒木田氏ノ云ハハ倍ニナルコトナリケリナ其
説ニ老楓葉別記ニ甚詳ナリ但シツレニハコトヲヲチチフミツソトヨミタレドヲケ
ト云テハ變若ヨト令スル意ニキコトヲ今少シ
此處ニ叶ヒガタシ此處ハ心ヲツトヨムヘキ所ナリ

正天皇養老元年九月丁未天皇行幸美濃國甲寅至美濃國丙辰

幸當耆郡多度山美泉云、甲子車駕還宮十一月癸丑天皇臨軒詔曰
朕以今年九月到美濃國不破行宮留連數日因覽當耆郡多度山美
泉手盥手面皮膚層如滑亦洗痛處無不除愈在朕之身其驗又就而飲浴
之者或白髮交黑或頰髮更生或瘡目如明月餘痼疾咸皆平愈云、
改靈龜三年為養老元年云、十二月丁亥令美濃國立春曉抱醴
泉而貢於京都為醴酒也二年二月壬申行幸美濃醴泉ト云後マテ
モイ先元養老ノ瀧ナリサテ名爾負ト云ハ此地名ニ負ルト云フニテコノ
美泉ニヨリテ即地名ニモ負持セタル瀧ト云コトバエナリサテ此哥ノ
如ク多藝テフ地名ハモトコノ美泉ニヨレルモノカ又ハ上ニ引ル古史記ノ文
ノ如ク倭建命ノ御言起レルモノカ其本ノ由緒ハイツレニテモアルベシ若

マコトニ古事記、如クナラシニ今、作者ソノ本縁ヲ知ラズテヨメルニモア
ルベクヨシ又ソヲ知シランニモカク取ナレテヨムマジキニモアラズ何レニマレ此
歌ノ意ハ瀧ト地名ニ負持ル瀧ト云ナリ○歌意ハ古ヨリ今ノ現
前ニ名高ク云傳ヘ来テアル如ク此水ヲ飲ハ老人ノ若時ニ立カウテ若
人ニナルト云フ瀧ト地名ニ負持テアル此瀧ノ瀧ハトナリ

大伴宿禰家持作歌一首

爾田跡河之瀧乎清美香イハレ從古宮仕兼多藝乃野之上

田跡河ハ則多度山ヨリ流出イハレ呼リ○瀧乎清美香ハ瀧ノ美泉ノ清
キが故ニカト云意ナリ香ハ兼下ニメグラシテ意得ベシ○從古ハ元正天

皇ノ古ヨリト云ナリ○宮仕兼ハ多藝郡ノ野ニ行宮ヲ造リ仕奉リケ
ムト云ナリ凡テ宮仕トイフハ宮ヲ造奉ルヲ云ナルコト既ク一卷ニ具注ルガ
如シ○歌意ハ多度山ヨリ流出ル河ノ瀧ノ美水ノ清キが故ニソノ賞
美賜ハムガ為トテ元正天皇ノ古ヨリ多藝郡ノ野ノ邊ニ行宮ヲ造リ
仕奉リケムカトナリ

諸家知譜拙記第四二村高倉家之部

上喜

永彰

正五位下丹波權介
久明八年四月廿六日卒十五

永雅
母為村卿女

清音樓集卷五 四

長沼澹齋先生遺跡碑

山村蘇門

良

是為澹齋先生遺跡碑也。先生姓藤原。諱宗敬。澹齋其號。長治五郎宗政之裔也。幼喪父。與母客濃之加納。年九歲。從圓明院寺主秀尊師學書。遂讀書。敏悟絕倫。人以神童目之。既長。文武兼資。嘗愍本邦兵家之說。多已紕謬。且戰法率不用節制。而好鬪力。乃本明趙本學。咸繼光第元儀等之說。參以其所發明。與本邦兵家之說。可取者。專主節制。創成一家。著兵要錄及握奇集解。開門教授。弟子千餘人。聲名籍籍。鬱為大師。其徒稱長沼流。先生初有所仕。不久辭。

去。後諸侯多聘招者。皆辭不應。元錄三年庚午十一月二十一日。以疾卒于城州。伏水年五十七。詳在我師張藩中山子所撰行狀。師以先生學教授藩中。累年。憂先生行狀不審。厲志竭精。校諸本同異。折衷之。著澹齋行狀集成。且探濃之遺跡。來遊于此。問其幼所學書處。追思之餘。設位祠焉。且藏所著行狀一本。又令由為文刻石立于此。其報本之功。可謂不朽矣。顧由也。材駑不稱。恐污巖先生辭之再三。師強焉。遂記其梗槩。係以銘辭。其辭曰。

卓躒徵士。邦之英豪。夙弄縑緗。繼晷焚膏。三墳五典。

金板六經。維文維武。洪才難測。殊慙兵道。殆其茅塞。別成一家。爰建有極。嗟嗟先生。萬世矜式。

珠崖馬場君碣文

澤熊山 名徽伊勢人

始吾教於京師也。馬場氏之子曰文安。來學百家之言。其為人激昂有氣概。絕嗜書。手不釋筆。近遊江戶。江戶人文之淵。文安心慕之。遍叩諸家。終不可其藪。意退而潛心古帖。漸磨淬礪。如有所獲。業日益進。乃其父珠崖君醫而嗜書。文安幼孤。克能嗜書。既有聲江戶士大夫之間。而其弟碧。則以醫為業。亦頗嗜學。蓋皆從其性之所近。而各善述父之事。可不謂偉矣哉。今茲謀勤銘于石。不朽其父。而唯吾文是依。乃吾一日之長。敢不以不佞辭云。君諱文仲。字子節。家世

高松之醫官也。性澹蕩。不能屑屑為官事。遂辭官北遊平安。又在大阪。又東適江戶。後欲反乎平安。還至美濃而留。娶中尾氏。生子男三人。日文安。字子恭。號竹坡。曰碧。字洒侯。號竹栖。曰泰。泰。君以寬政己未七月十八日没于鶴食村。距生寶曆壬申十月八日。四十有七年。葬于生津村華主院。銘曰。華主之野。維君之塋。誰其守之。白雲英英。有子克家。雖死猶生。千秋萬歲。罔隕其聲。

此係高松氏三百年來家傳

首級冢碑文

備藩近藤篤

当天造草昧之世。非有英傑之君起。芟茅山賊。勝殘去殺。厚施禮義之教。俗成仁厚之習。則焉能致昇平矣。神祖勃興於東。及盛德隆積。大業弘廣。人民皈和者。天下居半。阪都君臣。岌岌乎憂。不有利於社稷。於是鄉相相謀伐。神祖慶長庚子歲。石田三成帥諸將向山東。神祖發東都。欲出防諸道中。乃帥大軍向西。數日與西軍遇於濃州。乃通便期日。戰於關原。西軍倒戈自攻。一戰而敗。績師散後。神祖設於武帳。令諸將效首虜閱之。然後止人歛其

首之棄者若戰死不知為誰之首委地者葬之。二西
軍士歿。神祖者不為無罪。然桀犬吠堯者各為
其主效死於義豈惡之耶。歿西軍之臨危授命者
之首也。亦仁厚之俗所致。而神社之化也。宜乎
致昇平如今矣。關原馭亭長古山某恐其首級墳將
來遇陵谷之變而不知其所。於是作一碑建諸其側。
亦可見仁厚之遺俗。神祖之化及遠。謁余錄其
梗槩。於是為之記。

嘉慶二十二年歲次丁丑小春下浣唐山姑蘇揚
少籍書

不破關趾碑記

尾張儒官秦鼎撰

幕府內史局直事源弘賢書并篆額

白鳳置之。必有以也。廢於延曆。亦必有理。聞帝驛駐
此行。人無不敬。止恨月影不泄。詞家何其母。夏雨暗
山陰。不呵子規之過。霰打板屋。難通歸夢之遐。任舟
征途。閱人無窮。昔候鷄鳴。今唯秣風。今也外戶不閉。
社席萬里。存此關趾。資夫藻士。思古情。豈有終
已哉。乃為頌曰。關下藤川流綿。事君願至萬斯年。

文政三年三月 日建

美濃國不破故關銘并序 林 銑

天武帝自春宮遜吉野之明年。將入東國。紆難發師。塞不破道。過近江之衆。駕入美濃。諸軍精稍至。乃命將軍村田連男依等。自不破道出。與近江師戰瀨田。克之。男依等獻捷。不破行宮。又明年二月。帝即位飛鳥。淨見原宮。於是詔置不破關。後世遂併勢之鈴鹿。越之愛發。稱曰三關。國家每有大喪及邊警。必固三關。至延曆八年。以區宇無外。詔廢三關。其後一修一廢。及室町民之季。雖類尚存。昔人詠故關。秋風以此也。按地圖。關址存今大關村。西自江之磨鐵嶺。連山簇。

擁。至關。藤川川上。蓋其墟。而關原正在其東。夫關原者。我烈祖大君之所摧。好_奸臣三成之師。以定大業之地也。嗚呼。王霸鴻業。千歲相望。武成之度。俱在斯地。其惟休哉。家君嘗還自津島。經此登覽。慨然久之。有民名昌周。世居其澁。與父老胥謀乞銘。不果。今則其請及余也。辭曰。

不破之郡。維西嶺岼。在昔壬申。帝出南山。一丸以封。捷伐惟張。秦凱獻誠。皇極攸正。乃設茲闕。爰護于京。閱世綿邈。弗修弗局。降慶長初。豐間即世。妍臣扇亂。馮恃餘烈。誘彼侯伯。陽傳大義。惟時侯伯。有明有味。

或去或就。胥從寔繁。其徒如林。一十二萬。負險阻澗。矢斯原隰。天厭_厭亂畧。祝其畔援。大旆一動。妖氛霧歿。小者承家。大者閱國。彼昧不明。喪亡黜削。誑誤胥從。慨慷以激。穿沛之沃。順我帝則。鏤銘貞珉。置茲古墟。百辟鄉士。以來以祖。千萬斯載。曷視斯詞。文政五年歲次壬午春二月林銑撰文 關研書 市河三亥題額

北村孟溟墓碣

賴山陽

美濃人學於我者其才皆可育育而各有成其可有成而中道斃者北村孟溟是也孟溟生穎敏髫齡從後藤世張受句讀能讀舶來書無和訓者課之詩有奇語勸之就我學又學醫於河越氏來我塾不過月一再所作史論立意超卓行文明亮詩雖不甚刻意能言其所欲言吾望其有成也已而數月不來今聞其獲疾歸其鄉若手村死年歷二十二而已實文政丙戌四月廿日也葬邑之東光寺先塋聞北村氏以農豪於間里寺亦其祖所建有美竹佳樹環擁其北而南則良田彌望皆北村氏族有也孟溟之疾

請其父。養病讀書於寺。而不能起。云其父曰。維德。請於世
張及神田實甫曰。吾家自父祖。未嘗有讀書者也。今得此
兒。吾雖不知其才與否。聞諸君屢稱之。心竊喜焉。今則已
矣。或得賴先生之銘其墓。可以慰兒志。而吾亦可以忘憂
二人因來請。且曰。孟溟學賢。非其志。不敢違父也。及病篤。
父來。猶勉言笑。嗚呼。吾惜孟溟惜其才。而無年也。今聞其
有至性如此。可惜更甚。悽然成銘。銘曰。
美其貌。粹其神。而薄其氣之分。天賦之有縮與伸乎。平疇
交風。良苗懷新。有秀而不實。如若人乎。

拙堂文集卷一 辛酉

濃州鵜飼天保池碑記

齋藤拙堂

民以食為天。田以水為命。田儉於水。則穀不登。穀不登。則
民艱食。乃失其天。弱者流離飢餓。强者剽掠盜竊。無所不
至。故先王首修水利。有溝洫。是制陂池之設。以養其田。養
其田。所以養其民也。美濃國方縣郡。有一聚落曰洞村。在
鵜飼山下。分隸曾我戶田兩領主。地勢高燥。田遭亢旱。輒
不稅。民以為患。曾我領代官川島正恭。戶田領代官加藤
重光。合議欲救之矣。乃與里正松井敬卿相謀。開兩池於
山麓。以瀦泉流。築堤環之。並成偃月狀。其一高一丈二尺。
長八十六間。池內廣八段餘。其一高一丈。長六十間。池內

廣六段餘尺八楹凡四以天保辛卯九月初工至翌年四月畢工費皆出於兩代官不破民一錢既成號曰天保池五百石之田不復患旱爾來十七年歲連豐稔一村五十餘戶二百餘口不欠稅不歉食老幼熙熙含哺鼓腹於山嵐水霧之間歌頌兩代官之德邵父杜母不啻也敬卿乃因民之願欲建碑紀兩代官之功以長島平野某為紹介乞記於余其本鵜飼產也為余備說之余亦嘗為本藩郡宰監修陂池者多至新開築者雖稍小為費不狹今此池亦不甚大然量其工法應費糧數百苞而兩代官捐私財為之躋二百餘人於仁壽之域尤知其功不少小宜哉民

歌其德也乃為書其由送之敬卿勒貞珉以立於池側使民之子孫永言弗諼

居醒泉碑

滋野貞融

吾妻路より名高き泉三あり、それ三といふは近江国
 坂田郡醒井泉、美濃國當藝郡養老泉、同國不破郡
 垂井泉、これなり、それ水と試し、人のいひを養老
 泉醒井と傳はり、垂井をまき養老とまきありといひ
 しかば、昔もこれ垂井と東路乃泉神祖といひ傳へし、
 此のれは此垂井泉をいひ、ふも古史も日本武尊
 乃尾張國、利膳吹山乃神をいひ、手もいひ、
 出を傳へし、時、此の神のいひ、御心をいひ、
 了く、利、山下の玉倉部、此をいひ、

小居醒多ふいふ火以ふりか多ひく膳吹山にあり
遠く尾張國に歸りく路次は古歌
中東路乃居醒のさきとて大井ふく山流わさくは
不破郡の名を以てしきき路次は古歌
の中山やとて名高き路も居醒泉を以てしき
為——醒井を延喜の頃早のとき——時仲算大惠
乃より勢多——との見えたり養老を聖龜三年
小老もより持と多、大御代の號を改させたり
こは垂井を日本武尊乃居醒井なり、
ははとも養老を醒井より古く垂井はまき養老より

以て多しき事れは、こも地を越天下の泉乃始祖ともきき
律皇孫此志より玉倉部あり上世はす
玉倉部乃泉と以て日本武尊の御代給り、
泉と以て多名のみな高く聞えり、
居醒里ともいひて、中世より、
おろそくは清水のさきとて、
丹里の名もはちや、
吾妻路の清水誰せり樹下は垂井と名
いふ水は、伊吹山あり、
伊吹山あり、神乃神は

蛇のあしは重なりしは為し奉り日本武御子乃尊の
御心持々所多所一若しき一と傳ふ事也

天保八年丁酉十月

明治十七年十二月十日夜写

鏡心小原先生之碑

参議造三位木戸孝允題額

美濃大垣 野村煥 製文

君諱忠寬。字栗卿。小原氏。祿二兵衛。鏡心其號。晚又
行自號是水醉逸。考諱忠考。妣上田氏。故美濃国大垣
藩五臣也。七世祖諱忠豊。仕藩祖正眼公於武藏国
鯨井郷。後徙封于摂津国巨野城。尋轉大垣城。忠豊
子諱忠顯。累職至城代。子孫世仕是職。祿食七百五
十石。曾祖諱能右。有功加賜百石。祖諱能令。坐夏削
三百五十石。君襲食。天保十三年任城代。掌度支。居

二年。藩主欲振起學政。特使君督其度。嘉永七年。浦
賀港有警。君帥兵往援。公族伊豆守戶田某君。先是
國用多端。飢饉荐至。上下困乏。君為獻議。藩主輒用
之。不數年。倉廩充實。民免凍餒。安政二年。賜三百五
十石賞功。君固辭弗聽。乃歲納其二百五十石。以充
公費。及文久慶應際。國家益多支。困乏亦甚。君又為
獻策。調兵食。歲武備。慶應三年。藩主再賞加百石。君
復固辭。藩主嘉其篤志。聽之。大政之復古也。朝廷博
徵人材於諸藩。君膺其揆。入京。執掌王事。尋擢拜參
典。實明治紀元之歲。正月三日也。會伏水事起。藩兵

自
為德川內府先驅。時君子忠迪在其中。君即馳使諭
以順逆。曰。內府今日之舉。蓋為羣小所誤耳。汝何不
以死直諫。使內府單騎詣闕謝罪也。既而事終不及。
君又恐藩主誤順逆。請於朝。馳歸大垣。說以大義。使
藩主上京待罪。且為陳情實。於是朝廷命藩主使為
東山道先鋒。建功明贖焉。當時諸藩誤方向者。不為
少。而大垣藩翻然反正。有所報効者。君力居多。是月
十七日。兼任會計事務局判吏。閏四月二十二日。改
任會計官判吏。叙位五位下。五月十二日。兼任江戶
府判吏。會病不能上途。請解職不允。固請得允。特賜

迪
鎧一具。副以褒詞。賞其功。明年夏以藩兵屢奏戰功。賞賜三萬石於藩主。藩主乃分千五十石以賜君。酬其勤王輔藩之功也。既而諸藩奉還版藉。朝廷更以舊藩主為本藩知度。君乃任大垣藩大參度。君獻金千圓充藩內開墾費。四年正月轉任本保縣權知度。叙正六位。未赴任而免。補大垣藩廳出仕。五年四月十五日罹病卒。享年五十有六。葬於城南桃源山先塋之次。配戶田氏。不諧。終不復娶。置側室。奉三女。養姪為嗣。配以長女。即忠迪也。君為人磊落。狀貌瑰偉。面如渥丹。夙好文學。交遊頗多。而執贄齋藤拙堂。善

仕
討論經濟度務。性又嗜酒。嘗一日侍宴。上親賜大盃。君乃滿引。盡數盃。以此飲名益高。平常愛梅花。贖城北林村間地。移梅數百株。築亭榭以為游息之處。暇則與客來此。賦詩論文。豪飲至夜。然未嘗以宿醒廢度。歷代藩主三世。屢遭國多難。蹇蹇盡力。圖藩士民賴以為重。著有練卒訓詁。火船據要。改革十則。飲夢及詩文集若干卷。皆出於劇務緒餘者。銘曰。勤王輔藩。展力邦國。見機進退。心同鏡石。邃矣廣兆。梅香月白。

權大內史定五位巖谷修書

孝子小原忠迪建
廣羣鶴刻字

讀賣新聞三千六百三十四号(明治二十年二月廿
四日)曰舊大垣藩士故小原是水氏ハ維新ノ際京
都ニ赴キテ参典ニ奉ラレ国吏ニ奔走尽カシ其
後東京ニ出テ顯職ヲ仰付ラレタレド病ヲ以テ
職ヲ辞シ故郷ニ皈リ程経テ卒去アリシハ明治
五六年頃ナリシガ此度京都ニ行幸アリテ還幸
ノ途次大垣ヲ通御ノ節其舊勲ヲ思ヒ召サレ忝
クモ左ノ如ク贈位ノ御沙汰有シトゾ
故小原是水
維新ノ際藩論ヲ定メ王吏ニ勤勞シ切勞不少今

般奮勳，被思召特旨，以正五位，贈子儿。

故中原是水，贈正五位。

訥齋山田翁墓碑銘

依田学海

岐阜縣管下羽粟郡笠松邨有藥舖而妙於畫者曰
訥齋山田翁。名惟孝。字子友。販鬻之餘。嗜讀書。善詩
文。而其所長則畫也。嘗遊山本梅逸。極其蘊奧。名日
益着。索之者。齋至。翁怡然不拒。一日揮寫數十幅。雲
林烟壑。風泉雨渡。長江之澹遠。安嶺之峭絕。愈出愈
妙。覽者莫不稱善焉。而翁之能。不獨止於畫。即至篆
刻。奕棋。揮毫。點茶。諸伎。皆能通之。又母倭歌。工於書。
然世獨稱其畫者。以翁之寧得意也。翁為人溫柔。典
物莫逆。然至義有不可。則張目揚眉。毅然不少屈。聞

者壯之。又母遊名山勝地。交奇人名士。晚年築室於
後園。邀賓樂飲。殆無虛日。明治六年一月二十八日
以病歿。享年六十。父國春。祖善國。葬于福證寺先塋
之側。配後藤氏。無子。養姪圭為嗣。亦母學精於醫理。
以不墜其業云。推令小崎君余友也。頃以公夏來東
京。以同里角田錦江所作翁行狀示余。曰。余最愛翁
之為人。請子為銘之。余雖不知翁。推權令之愛之。則
可知其生平矣。乃為之銘曰。
峭峯夢嶽。見才識之奇警。清江穩流。見居止之恬靜。
一幅雲烟。即是翁之肖影也耶。

明治八年七月

千葉縣 依田百川 撰
東京 秋巖原鞏書及題額

羣鶴鑄

故岐阜縣令范五位長谷部君碑

明治六年十一月十七日。岐阜縣令長谷部君病卒於任所。年五十有七。翌月夫人大関氏與子姪護柩還葬諸東京芝山之塋。遵治命也。越九年故吏部民謀建碑於稻葉山以紀其功德。就余請銘。余取狀一讀。感嘆泣下。何則。世趨澆季。高尚虛文。彼畫像生祠。往往出乎上。諷下諛相迎合之餘。一旦去任。歲遷地隔。視同秦越。今其人已逝。墓亦將拱。而衆情追慕不能。謾所謂為民父母者。君其庶幾焉。君諱恕連。小字貞吉。通稱吉之助。後改甚平。本姓加賀氏。考曰成守。

明治五年八月十日

妣石魚氏。君其第三子。出為長谷部。宜連嗣。因冒其氏。宜連系出自左兵衛尉信連。治承中以仁王之舉兵也。信連留守王宮。平清盛愛其忠勇。減死處流。後裔在能州者稱長氏。在南越者即長谷部氏。慶長中有采女正諱茂連者。任越藩為上卿。食祿四千石。宜連其七世孫也。君歷事藩主。諱觀春。嶽巽嶽三公弱冠襲父祿二百石。起自番衛。為行人。任監察度支。市尹諸職。興學校。舉才能。尤善治財政。嘉永中。歐米各國請互市。幕府依違。和戰不決。列藩論者多主膺懲。君獨非之。曰。殊域通商。有無貿遷。天地公道。固宜然。

磯

也。且彼政治文學。駸駸日盛。而我守吾陋。夜郎自大。一旦環海來寇。何策防之。乃購輪船。鑄巨礮。航海鍊兵。工技醫術。取長西洋。越藩新政。率先天下。君與有力焉。文久三年。大將軍昭德公朝京師。春嶽公以總裁從。所議不合。遽投劾北歸。幕吏傳命。詰責君為分疏。封還其書。事遂釋。是日天子英明。幕政解弛。君察世變。在近益儲錢穀。修武備。內輔其主。外交列藩。言論激昂。為忌者所陷。執政以下坐免職者十餘人。而君特獲譴。禁錮居數年。王政維新。改元明治。五月徵為濃州笠松縣知事。稱病不就。八月再徵。敦逼乃起。

詰

赴任會與羽叛亂王師征討本縣在東海東山二道
之交供頓微斃飛檄旁午君屢警以簡一切辨治而
民不告勞人稱其能二年七月領官制降知夏為權
知夏明年六月叙正六位十月進知夏叙從五位四
年七月諸侯納土廢笠松縣置岐阜縣統轄全州君
為之令州有三大川公泝縱橫以注溝澮一遇霖雨
暴漲池濫大損田禾君講明水理疏鑿隄防隨勢脩
治工役無加而其害減於舊先是土倍喜訟苞苴
公行雀角喧爭動經歲月奸民承意居間調停君誠
緣屬率以清厲凡有詞訟面判曲直兩造悅服無復
怨

滯獄蓋君為政不夏紛更興利除害施設以漸若夫
躬忠孝以宣風化明法令以示威信省冗費以寬民
力良制美舉不暇更僕以故三府七十縣論守令賢
能先屈指於君其歿也朝廷賜七白金以褒功及建
碑也又賜百金以助費嗚呼豈無所由而致此乎哉
君風格姿整精力絕人少學武藝兼涉書史嘗誦劉
晏傳歎曰奇亦奇才方今上下困弊非若人不能救
意自擬也其在官案牘山積披閱一過無所遺漏老
吏供顧使不敢欺夫人大閔氏儉素治家有婦德生
三子長曰辰連仕為工部大書記官次曰仲彥通洋

籍受錄陸軍省。次日某。次曰季考。四女。三造人。一
大成曰。君用事越藩三十年。功效如彼。設令其今尚
在。則所為必有不止於此者。是洵然也。抑今縣令小
崎某者。君所辟舉。而考績高第。以循吏稱。某功即君
功。亦可以無憾矣。銘曰。

君始下車。吏貪民罵。淬之勵之。曰。庶曰勤。君忽厭。丑
誰保赤子。乳之哺之。舉賢代已。舊令尹政。告新令尹。
前名後杜。愛無深淺。維稻波山。積翠蒼蒼。維長良川。
澄波溶溶。山有耽崩。川有耽渴。君功君德。終古靡沒。
明治十五年八月
從五位川田剛撰文

臥牛集初編九 五

故處士滄洲翁墓

赤田卧牛名元義

處士諱義。見高山人。姓津楚氏。別號滄洲。少喜詩文。
旁及和歌。詠諧。為人清廉。善與人交。儒釋醫卜。書畫
滑稽之士。凡有一藝。處士必善待之。是以交友周徧
于四方。而名聲最彰著。常勸人以學。高山之子弟嚮
學者。處士勸諭之力也。性愛山水。又有米家癖。常好
游歷。足跡殆遍海內。晚年頗參禪理。風流醞藉。好事
最甚。所著有金華三愛集。飛州燕石錄。橋梁圖纂。俳
歌廻文詠等稿。皆藏于家。寬政二年秋七月廿三日。
病終于家。春秋七十有三。法謚曰勇見了義。其子延

飛
驛

賢受嗣業釀酒。既葬之後。立石於東山雲龍寺中。鄉人亦田義為之銘。行本於學。維此處士。其心休休。好人有技。德必有隣。今名胡泯。

桃蹊元先生墓碑

赤田卧牛飛彈人義

先生諱惟一。高山人。姓元氏。其先為垣見氏。勝國時。有垣見豐後君。仕豐臣氏。食祿數千石。大坂已敗。臣屬故侯金森氏。受采邑。於是徙為飛彈人。豐後君裔孫曰開齋。退隱市井間。始為外科醫。其後子孫有故為前原氏。開齋四世孫曰友。亦業外科醫。友的有二男一女。先生其長子也。自更姓元氏。其所居里曰西川巷。宅邊有白桃樹。因自號桃蹊。先生少而樸訥。慎密寡言。人莫能知其器也。從高貞菴受業。為學精敏。日夜不怠。數年才識大進。貞菴異焉。比及其壯嗜

謹酒喜調。博與人交。自慕東方朔華陀之為人。天真率畧。不修儀檢。以世之毀譽得喪。不介於懷。任達類。縱傲然自適。故人以為狂顛。而先生志操益厚。為方精良。治兼內外。凡所診察病者。多有奇驗。若有貧賤孤寡乞治者。務施救療。不望之報。若有富豪之徒。不中其意者。禮請不赴。其介立如此。自故。縣令上倉君時。命出入於府。歲時參謁。準官醫例。凡府之官屬諸吏疾病者。必請治先生。郡將龍澤君。最與先生善。每設燕會。先生莫不與焉。手寫先生肖像。至以賜之。可謂殊遇矣。是以先生之聲譽滋盛。而家亦

益富。故世之議先生者。始之異其所為。中之驚駭。終而翕然以定。及其歿之日。舉世愛惜。先生居常喜詩。及誹歌。旁好書畫。余與之友二十年矣。先生余大人。行。然每一絕句成。必問之於余。其不耻下問。亦如此。寬政三年丁亥三月二十一日。以病終。享年七十有三。葬于真龍山先塋之所。其所著投劑方數卷。藏于家。配脇田氏。生二男一女。長某甲。次仲子為宏嗣。亦業醫。李女適人。妾舉一女。亦適人。為宏與其門人。謀立墓石。請余銘焉。余為舊交之故。不敢辭焉。畧叙其行事。可槩見者。庶乎足以傳先生邪。銘曰。

術本於仁。行在立身。幽室一閔。不亡者神。

臥牛集初編九分

後藤子碑

赤田臥牛飛名元義

孔子曰。志士仁人。無求生以害仁。有殺身以成仁。信乎是言也。苟非忠肝義氣。出於天性者。孰能至於此。天正中。吾飛驒有後藤重元。蓋其人歟。意千古一人耳。重元通稱帶刀。故飛驒姊小路公家之老臣也。事濟繼濟。俊賴綱宣。政四世。忠誠不渝。終始如一。真志士仁人之心哉。迨至同僚牛丸重親。自白米城入而執政。專威權。蔑公室。重元密知其懷。異志將不利公。子。廼與同志十許人。合謀戮力。常救護公子。其先世母氏。與佐竹氏有舊緣。遺命曰。事如緩急。必以此為。

當符驗。嘗往而永依焉。乃傳遺公子。以寶袋寶刀。重元獨知在公子許。乃勸公子。使之往而依焉。又恐重親悟而追之。故與同志十許人。佯宣言獵于遠野。臂鷹放犬。行數里。重親果而悟之。念曰。重元老賊。如以事公子之心事我。必得厚賞。弱喪之公子。豈能久乎。我必殺之。無噍類矣。大發兵追之。進及於角川城谷下。重元留與之戰。斬追兵十數人。重元亦被創。自屠死。客主死者二十餘人。瘞為一大冢。名曰戰人家。重元別有家。公子乘間。與從者十餘人。脫犇常州。遂依佐竹氏。得受祿世家。自後國大亂。重親益驕侈。國民惡

追

許

當

之。未久而滅。然後重元之精忠益著。云。重元行年六十。有二。實天正五年八月廿五日也。嗚呼。如重元孔子所謂志士仁人者歟。非歟。飛驒諸雜記及玄海千光寺記等。皆記其事。無年月。不亦遺憾乎。近訪求羽州向氏記載。得其事實。故今立石。記年月。以諗後世。庶乎重元之忠烈義勇。與天壤共不朽也。銘曰。執義據節。殺身成仁。嗚呼忠臣。君子之人。

驛

傘松城碑

赤田卧牛名元義
飛驒人

傘松相傳昔時源太義平潛居之地云昔平治之亂
 左馬頭源義朝戰敗長子義平自京師來奔始匿自
 河雨子谷後徙高原吉田豪族左兵衛尉某甲娶以
 二女乃築室其山上傘松之下而居焉俗曰傘松城
 而今其基趾已泯然唯有一株松其枝葉繁鬱亭亭
 若張傘然代之繼生至今世世無絕可謂奇矣二女
 八重菊八重牡丹也又義平好獵數至千吉野村每
 過愛知某甲家某甲亦同姓之士族也有一女名今
 朝義平通焉迨至義朝遇弒義平寡援孤弱不勝憤

愈。欲潛入京師。乘間復讐平氏。臨去。愛知氏有娠。義
平曰。生子如男。速告我。及生女子。故無以告。義平遂
去。匿石山寺邊。事覺。為平氏所誅殺。蓋享年二十二
歲也。二女聞之。哀慕思愁之。欲道北國。徃弔死所。途
至籠渡。誤溺水死。其妹見之。不勝其悲。遂自投身赴
水。死尸共流。亡至薄浪而出。時人哀之。謠曰。吉田八
重菊。八重牡丹。名空留于薄浪之灘。至今土人稱之
不已。愛知氏之裔。連綿尚存云。今採摘船津人稻田
貞鄉之所狀。與存土人口碑者。紀之以為傘松城碑。
銘曰。

竒哉傘松。生彼山阜。英武之子。死而不朽。松之勁節。
氣凌雪霜。變彼二女。貞潔聯芳。至死無慝。譬諸沈湘。
千秋刊石。志之弗忘。

信濃

美土毛之員卷二 六十五才

信濃上諏訪神社鏡燈籠銘

信濃國諏訪大明神奉獻武田太郎信義一條治郎
忠賴治承四庚子九月癸亥日當官大祝篤光代

先考宗弘君墓碣

山村蘇門由名良

先考宗弘君諱良啓字士迪號鮑山宗弘其謚姓山

村氏其先或謂自大江匡房出中失譜謀其詳不可

得而考焉六世祖宗用君為

國家率宗人取木曾轉攻濃之苗木岩村皆下之於

是賜采邑濃州世居木曾治邑政兼守福島關後

國家賜木曾於尾公遂附庸乎張藩宗用君生宗

慈君宗慈君生宗音君宗音君生宗嶂君宗嶂君蚤

卒無子立其弟宗仁君宗仁君有子天於是養君為

子君實我家支派山村良考第四子也延享三年丙

特

寅春正月。宗仁君致仕。君襲封。治邑守關。朝東都。及張藩。一如祖宗故事。初宗仁君謙讓。委政舊臣。其中有豪植而大強者。言多忤於尾公。尾公怒。數加裁奪。於是我家故事多為所敗者。宗仁君乃禁錮其臣。與民更始。久之。尾公怒稍解。及君襲封。厲精為治。民生敷。歷時張藩執政。大夫皆與君善。且命卿乎。生侯最推君。是。以其為所敗者。漸漸復故。且有光於奮者焉。寶曆四年甲戌春正月。尾張戴公令其苑織田貞辰傳命曰。木曾自元文中復舊制。以還。民漸漸向化。是汝為政精密之効。寡人甚嘉之。是以時褒

植

稱焉。君性寬容溫謹。左右有過失。不苟細繩之。唯責大指而已。雖夙夜近侍者。未嘗見君之怒。見色也。且說勤勞。思宴安。朝晝夕夜。非為政則游於菴。未嘗少時弛廢焉。若夫居塵務紛雜。文書根藉際。終不見退倦色。或有前演習射後。授讀書。同時而作者。色愈怡怡如也。居常自作起居注。數日轉為卷。大而祭祀刑政。小而燕饗聘問。家中瑣細事皆錄。他日有事。有司欲得故事。循行索諸典籍。藉不得也。必請君一披之。則瞭然猶指掌矣。又多能。學鎗法於伊奈忠誼者。受秘卷。力法拳法。皆兼學。數師最好射御。至老不休。旁巧

輒

於倭歌。倭歌集數卷。藏于家。又善書。楷書法度嚴整。居常寫佛經。前後無筭。草書則摹倣元格者。以秀媚。勝。又善箏及謠曲。皆究奧妙。其他至肩鼓奕棋等諸。雜技亦踰越等倫云。天明元年辛丑冬十月。君請而致仕。六年丙午冬。病膈噎。久之疾病不食。數日不能起坐。重茵積被。乃得坐。而猶且攤書。授人句讀。有誤聲必顧。嘗語由曰。夢騎馬馳騁。意甚樂。又嘗語曰。夢教人鎗法。但覺四板差不輕捷耳。雖疾危。篤乎。其壯意如此。時猶日日不廢盥漱。十二月十二日。召由命後事。且遺令脩建了源寺。因封黃金若干兩以附焉。

例
供其費也。十三日。晡時。顧由曰。我已矣。乃乎。太夫人。莞爾舉手招之曰。今與汝別。請珍重焉。顏色自若。殆若戲。既而又召家臣某某。謝積年勤勞。各有差。然後顧由曰。事畢矣。心安矣哉。顏色晏然。令侍臣正卧容。冥目而寐。呼吸不喘。若安眠者。少頃乃絕。傍人皆抱疑。窺之再三。始知其卒。時年七十六。側葬于興禪寺。先塋側。君生五男四女。四男二女先逝。其一男即所為識良由也。其二女嫁張藩大夫石河氏及阿部氏。初由請君。千秋萬歲。後撰碑銘。以記盛德。萬一君頌之。於是忘污德之罪。妄述其梗槩云爾。銘曰。

德

於穆我考。時惟植德。乃文乃武。夙夜不息。君茲巖邑。黎庶蕃殖。視死如歸。晏然不惑。干嗟我考。為子孫則。

清音樓集卷五

十一

先妣宗貞夫人墓碣

山村蘇門名良

太夫人諱猶子。姓山村氏。王父宗仁君之第二女也。配先考宗弘君。生二男。長即良由。次日良音。先太夫人卒。太夫人寬政改元秋八月二日終。壽六十八。太夫人性儉素。嚴正。不苟以愛枉道。家族諸臣。至婢僕。莫不畏敬焉。臨卒。作遺誡。專戒酒色奢侈。且命儒臣石作貞。每月講經。又嘗夢和合佛。令東隣師講法之。次告諸遠邇。以教戒焉云。

清音樓集卷五 十一

阿菊墓碣

山村蘇門名良

阿菊。法謚淨廉童女。予第五子也。寬政十一年己未。生于東都墨水別莊。享和九年辛酉。從予來岷岨。偶罹疾。以八月晦夭。沒鐘情可知也。乃葬此地。表墓石而識焉。

清音樓集卷五十一

勇之助墓碣

山村蘇門由名良

勇之助。氏山村。即予第六子也。以文化元年甲子二月生于東都。卽年隨予西。今歲丙寅暮春。偶得病。四月二日没于岐岨。法謚曰智琢童子。童子生而穎悟過人。年僅三歲而識字。最能識乃字。試開卷問之。輒指之不違一字。又能書以呂二字。且畫家章及肩。鼓小榼等形。又好猿樂觀之。終日不倦。嬉戲必令傍人唱笛譜。自為舞蹈容。頗有風韻。其他聰敏稱之。予愛之。日望其生立。不知光至。而一朝遇此大折。哀哉。乃葬先塋側。立石識之。且勒童子所畫家章於後云。

宗天夫人墓碣

山村蘇門名良

夫人諱嘉彌子。信州伊豆木故小笠原長暉女也。以
 明和二年乙酉九月于歸配於予。生二女。皆先沒。文
 化五年戊辰十二月二十四日病逝于福島第。享年
 六十八。夫人為人溫恭慈惠。事舅姑。孝順。舅姑世稱
 逝。其篤純。且寬恕。愛人。故遊之日。內外閔惜。莫不哀慟。
 予者。子乃鼓盆而歌曰。昨來同茵席。今來隔死生。芳魂
 知何處。千山月色清。

葛山星野君墓碣銘代生一齋

安積良齋名信

葛山君以文化壬申十二月五日卒於江戸卒之明年其外族坂本君子善寄狀請曰吾藩有葛山者不幸下世士民皆惜其用之弗究今將建碣以圖哀事惟其誌所以冀終昭遠者敢累執事余辭弗獲命乃掇其狀而次之君諱當富字伯有葛山其號世為高遠侯臣寬政二年庚午以父蔭為近習至乙卯歲考致仕君襲秩後歷諸職進郡代有媚之者中以蜚語遂斥外為取次閱數年再擢為側用人攝伴讀文化

壬申祗役江戶、遘疾卒、得年厘四十、寔於谷中村立
運寺之兆、君俊賴沈毅、自幼好學、雖任曹務、麗劇而
矧々不廢、額覈經典、至史書軍法律令、國史之類、亦
靡不諳通、每憂士大夫狃于治平、武備寢廢弛、著武
學拾粹九卷、凡進退擊刺之法、兵甲器械之製、與夫
摧堅陷陣之要、極為精詳、又憂經界之制不明、負吏
因緣為姦、著田制考一卷、其他著書有若干卷、要皆
以經濟有用為主、先後事君美天山二先生云、其為
郡代也、慨然歎風俗澆競、民日趨偷慢、務以廉介敦
樸、風勵一時、吏民敬畏之、其立朝也、侃々直言、不作

亦
婦要用是取媿媚、遂見斥、君漠然不蒂於中、益篤學
勵行、來受業者、亦相繼于門、其撰伴讀也、引喻誠切、
務致啓沃、疾甚重之、君亦奮然以匡弼自任、無幾、不
幸溘逝、豈不痛哉、祖考諱好章、本族青木氏、為嗣於
高遠、侯家老星野氏、有二子、長諱純陽、嗣次諱純堅、
即君之考也、別賜祿百五十石、特命為年寄、以謹慎
見稱、妣巖崎氏、生四男二女、君其長也、娶坂木氏、生
二女、長已殤、次尚幼、以弟純貞為嗣、係以銘曰、
士大夫酣豢於宴晏、流蕩於侈靡、而不復知挽回者、
滔々皆是矣、乃君獨崛起乎其間、而矯然不倚焉、噫、

亦可躋也。已其學也博，其行也偉，於家則雍々爾，在朝則侃々爾，其德可以專施，而天不憖遺，芝蘭易槁，而蔓草難萎，瓊玖恒罕，而瓦礫為棄，物有定命，於君奚疑，惟其學行之卓々，存諸口碑，何必貞砥，是托而不可朽，是期乎哉。

明治十六年四月廿一夜校

清香樓集卷五

和合佛經冢碑

山村蘇門名良由

此冢者。先妣遺令所建。先妣嘗有夢和合佛。後來若禱和合佛有獲福應者。令寫經埋于此。下以報審焉。伏惟和合佛即先妣耶。先妣即和合佛耶。抑將天地萬物一和合佛耶。若欲窮極之。則宜恭東隣師矣。銘曰。幽幽松林。削石斯成。雪霜千歲。月白風清。

清音樓集卷五

木曾宣公舊里碑

山村蘇門名良

木曾宣公。姓源氏。諱義仲。

清和帝之裔。左衛門大尉為義之孫。而帶刀義賢之
子宣公私謚也。久壽中。義賢為其姪義平所殺。時公踰
駒王。年僅二歲。義平慮後患。囑畠山重能搜殺之。重
能深憫駒至之七辜。密託之齋藤實盛。實盛又轉託
木曾權守兼遠。兼遠受而乳養。視遇甚厚。駒王稍長。
傳聞源氏日衰。弊心不平。遊戲常肄武技。及長。膂力
邁倫。兼善騎射。兼遠更築館于枹原。邨居之。枹原邨
即今宮越邨也。治承中。源賴政勸以仁王。將起兵討

平氏。下令旨於諸州源氏。公亦與焉。既而賴政敗滅。王亦中流矢而薨。公益憤恨。欲舉兵。時有大夫坊覺明者。初為博士。後為僧。住南都。恒往來武州。途經木曾。每主兼遠家。公與論兵法。大說之。遂留之。因與密議。設計新建八幡祠。祠前鋪陳酒餅。有瞻禮者。輒施之。遠適蝨集。信上諸將聞之。亦微行至者十餘人。公延之館中。坐定。謂曰。不虞諸君涉吾地也。方今平氏跋扈。天人俱怒。向得以仁王令旨。未及舉義。而王薨矣。其謂之何。頃八幡神夢謂予曰。源賴朝既起。兵討平氏。汝何俟不發也。平氏則天囚行。尸神佛不

福。事在必濟。勿疑也。予於是乎建祠。方欲請諸君而忽自來會。是神佑也。吾今欲舉兵。諸君肯見從乎。諸將驚鄂。莫敢發言。大夫坊覺明右持筆硯。左奉盟書。置之諸將前。瞋目曰。令旨在此。神鑑咫尺。今日之義。不容旋踵矣。座後壯士數人。叩刀睨視。於是諸將皆諾而盟。乃命酌酒。且曰。君等一散。難可復合。願留宿而議焉。諸將乃留宿定謀。約結而去。既而公聚眾數千人。信上之諸城起兵應之。攻北國下之。平軍屢來伐。皆敗去。既而平維盛率大軍來攻。公用大牛之策。大破之。投崖谷死者萬八千。逐北連戰皆捷。乘勢長

驅入京師。平族不戰而奔。遂叙從四位下。任征夷大將軍。稱朝日將軍。海內震懼矣。既而積歎恨。至有喋血之變。賴朝奉

上皇旨。遣其弟範賴義經將兵伐之。公與戰而敗。死。事詳史乘。公之長子義隆為質鎌倉。為賴朝所殺。第二子基家。匿其外家。沿田家國。基家速孫家。邱方足利之始。霸有功。尊氏封家。邱於木曾。為列侯。信州數郡屬焉。自是世世相傳。至義康。甲州武田信女數侵境。相拒數歲。後講和。以其女為質。信玄喜。以其女妻義康子義昌。既而義康卒。而義昌立。信玄亦卒。而勝賴

立。時勝賴數興役。木曾民不堪其勞。義昌乃密與織田信長約降。勝賴聞。遣使譴責。其言甚傲。義昌怒。斬其使者。勝賴大怒。殺其質女。遣典厩信元神保治部。將兵伐木曾。義昌發兵。迎擊于華表嶺。大破之。斬治部。既而信長滅甲州。軍于諏訪。義昌乃之諏訪。謁信長。信長賞其功。以安曇筑摩二郡增封焉。是歲。信長為明智光秀所弒。羽柴秀吉討光秀。殺之。於是義昌又降秀吉。頃之。秀吉聽讒。移義昌封下總。無幾。義昌得疾卒。其子義利立。有罪。國除。神祖之討石賊也。吾祖山邨良勝及木曾氏之支族。

等奉命啓行。下木曾。爾後令吾家世住木曾守關門。
今茲予偶遊此地。想公之勃興于此。且痛初立大功。
而志業不遂。夫公之智勇。能崛起於羈孤。以摧大敵。
雪宗耻。向使其不激於忿悁。內翼戴王室。外誅鋤暴。
亂。則其誰與公敵。可勝惜哉。乃刊石立碑。據舊史及
我家譜。叙其畧。繫之以銘。其辭曰。
襁褓遭厄。遷岐水湄。撫撫宮原。面面嶮巖。爰始爰謀。
築館干茲。受以仁令。載旆乘鉞。三軍鷹揚。載指北
越。火牛衝陣。深谷積骨。鼓行無敵。徑詣神關。平氏
破膽。遁逃夜出。

上皇賞勲。寔稱旭日。威聲赫赫。一時無匹。物盛必衰。遂
蒙讒疾。物亢必悔。遂屆顛蹶。天幸垂慈。爰遺子姓。神
靈血食。瓜瓞無竟。業雖不遂。萬世畏敬。

後越碑銘集卷二

岩田生之碑在信州松城之東清滝山大悲閣側所立雖非吾州岩田生之母

請編入不措其錄于此塞其責

一字補過此有師當頭拭眼筆花奇傾未無限光顧意澹月微雲誦口詩

新潟岩田恕卿

岩田恕卿越後新潟人也字忠治号洲尾幼而聰慧好讀書能屬文旁工繪事年十八卒然出鄉來遊松城寓龍田梅齋宅三月而歸後出東都游學有年歷見諸老先生最受古賀翁愛學業大進其間探勝奧羽頗益藻思云丙子之夏再來松城復寓霖齋所數旬自余一日赴梅齋宴與洲尾語為人温雅有如舊識

爾後書簡往復僅而三次。已而洲尾將遊西京。時會有疾。暑亦劇矣。梅齋慙喻止之。不可。冒暑而發。未踰岐嶺。罹于痢疾。反至松本而歿。享年廿五。實文化十三年八月廿二日也。戊寅之夏。婦千代者。寄書於梅齋。曰。恕卿出門。謂妾曰。游學多年。所交不少。然而其最辱知愛者。松城龍田君。固亡論也。其他錄原君一人。已某疴弱善疾。不幸死客中。所遺詩文。盡致錄原君。妾時未信其言。今也果死。何任痛悼。乃從治命。遠致遺稿。敢請先生為之紹介。一供鎌原君覽。死者之願也。先生之惠也。妾亦與有榮。其辭淒惋。累數百言。

余讀之。酸鼻屢矣。不覺泣下溼襟。竊顧余與洲尾丙子之夏。一面而已。爾後洲尾未嘗歸鄉。千代之言甚可疑矣。然彼稱遺言送之。我曷為卻之。或者昔年洲尾之來。雖與余未及頌蓋。而既聞余著文事。以為可託遺文者歟。洲尾妙年靡有胤子。則不以余之不似。而一面交。沒後千里。示以遺集。其意真可悲矣。所著沿革略說及鷗盟集。前已上木。萍踪嘉話國華集。詩文集等若干卷。並未脫稿。嗚乎。余也。何以報斯。謬知。日夜思之。不得其緒。忽已七年。可勝嘆乎。於是採昔日酬余詩。彫諸翠珉。而建于其所嘗遊城東清瀧山。

也。大悲閣側。畧記。自由於背。以示後人。聊所以報謬知。

銘曰

朝聞夕死。尚謂順寧。身服口述。德美名馨。
無民及化。天奪之齡。噫嘻命矣。泣為茲銘。

文政壬午秋八月

桐山鎌原重賢撰
梅齊 龍田紹書

石梁文集後編卷五

山村蘇門公墓碣

樺島石梁名公禮

今茲文政六年癸未正月十六日。從五位下朝散大夫山村伊勢守蘇門公即世木曾福島之別館。越四月。今主君奉其遺令。持差持臣武居端齊行狀。遠踰海山。來我筑。命余撰碑文。公諱良由。字君裕。姓大江。蘇門其號。公曩祖曰宗用君。關原之亂。屬神祖有功。亂平。賜邑于濃州。世住木曾治邑。政兼司福島。關後及木曾入尾封。亦從屬尾。儀如古之附庸。宗用君世襲相承。七傳至公。公生穎敏。幼好讀書。精苦過人。常憂其地寒僻。之師友。年二十如東都。倒見大君。

例

因師事都儒大內熊耳。又納交諸名家而歸。會其臣石作真遊學。業就歸。公大喜。日夜相與切磋。熊耳沒。又通書。勢州南官大湫平安江村北海問業。業益進矣。天明元年。年四十。考仁光君告老。公代立。研精政治。會東北諸州大饑。木曾尤甚。公為振恤。盡方貧民免死亡者無數。尾公聞而喜之。賜物賞焉。尾公既善公之義。欲召委國政。而事在異典。乃請大朝使公冢子襲其職。封引公為國相。別賜祿三千石。數年。叙爵得稱國號。公冢世無此例。至公始得之。公相尾十餘年。當時尾之以善政著稱于世。蓋公與有力焉。寬

宮

手

館

政十年。年五十七。以疾辭職。尾公優命可之。為給養。老祿若干。公素好撰述。筆研不離手。國史疑物諸編。頗既就緒。既而為尾相。職務鞅掌。素好中沮。及其歸。老投閒。餘裕綽然。復大修舊業。起別館於福島。又造清音樓。仙鶴亭。以為講述之所。時又或遊尾。或出東都。遷徙往來。優游自養。後留都三年。眠食無異。一日忽戒侍臣曰。輒束裝。冬春之際。吾病。木曾先世墳墓之地。吾不如歸取終焉。衆不信。進曰。君常怯木曾之寒。今霜威日至。請待春暖。不可以十月歸。至正月果大病。病纔踰旬。奄然而逝。人皆奇焉。公所著清音樓

稿

集二編。及忘形集。前既上木。後自加刑潤。併近稿定。為文集五卷。行于世。公既專志文事。又大修武備。以木曾國家要地。先世以來。守禦術定。至公益整脩之。察地形。教士民。治器械。習戰法。緩急之要。具悉無遺。又好講兵學。廣涉諸流。最喜長沼氏之業。性又多能。自弓馬力槍。及筮筭書函圍棋之技。各有師法。略入其妙。初公之立為邑主也。其家承先世之餘弊。宿債重累。有司束手。不知所為。公乃與勘司石作貞。謀建方。施為得宜。積逋盡解。公為人謙恭。溫容可掬。其治邑。不敢自專。必使賢能。重賞輕刑。甚得衆心。於是乎。

宜

上下和恆。家富民悅。邑政大振矣。公以寬保二年三月六日生。享年八十二。葬於萬松山先塋之域焉。

楓堂冢銘

佐藤一齋

高遠藩伊東隆岳造壽威在

北香福寺後山地宜楓樹因以名焉

遙索銘於余銘曰

滿林霜葉乾翠爛黃天然錦綉無限文

章非檜非柏樂哉斯岡風雪羅帶終然

允減

波合碑

按波合記應永四年南朝官軍遺忠新田之族迎尹
良親王以圖恢復四家七名字逆烏突紀綱之僕親
王且戰且進旋軫遠駿二毛甲斐間多年然大歎虎
踞鎌倉羣賊磐結四方義士無地用武三十一年親
王自信濃赴三河知久祐超小笠原政李高坂滋野
淡吾啟行八月十五日至伊奈郡會風雨暴烈土寇
四起據高而歟親王薨于波合河魚民舍桃井宗徹

河

住

丑良田義秋、羽阿景庸、青山師重、皆戰死、先是親王
 別千野賴憲家賜和歌曰、流人乃身示志在奈波佳
 毛終牟宿利定奴、憂旅乃天悲哉、親王子良王君在
 下毛落合、衆議入之尾張津島、踰波合坂、土寇數千、
 復要而圍之、曰、官軍我父兄讐也、何可使其匹馬過
 我山哉、戰二日、賊大集、桃井貞綱、丑良田政義、山川
 重祐、堀田正重、兒玉貞廣、野田考次、加治監物、殺賊
 百四五十人死、王奔津島、潛寓奴野城、實永享七年

十二月二日也、於是新田氏遺忠殲矣、夫元弘初政、
 二三母利、佞臣在君側、在外百萬狗義之士、血塗郊
 野、豈不千古悲恨乎、諛者或譏諸遺忠敗沒曰、不相
 時不量力、徒迎親王自苦、做得甚矣、是小人之言也、
 夫諸遺忠、唯知忠賊不兩立、為子死、孝、為臣死、忠、何
 暇問成敗、不然、諸遺忠、豈不知天日既已、潛光西山、
 吉野為墟乎、初、後醍醐天皇將崩、左把法華經、右按
 劍、慨憤命皇太子諸臣、新田奉族為朕死、忠、朕雖沒、

昨疑昨誤
今从原本

者字重複
姑从原本

誓勿忘其功夫德無不報罔極必發波合豈不極罔
日乎蓋天之昨善不必當其丑或在其子孫冥冥之
中昭昭存焉未病君子昔日之虐也截而斷禍今日
之福也然則義孫忠孫先啟祚胤餘慶流於千萬者
者神之祿哉

碑陰記

大橋定元母本高家山川重祐恒川信矩稱四家堀
田正重平野業忠服部宗純鈴木重政真野道資光

桃

賀為長河村秀清稱七名字造尹良親王力戰者本
多忠弘一宮伊豫守熊谷直近大庭景鄉兒玉定政
酒井貞忠羽川景國酒井貞信等也護送良王於津
島者桃井滿昌大庭景平熊谷直鄉兒玉定政酒井
忠則大母重宗鈴木政長大草信長天野遠幹布施
重政宇津忠照宇津宮忠成熊谷直房土肥氏平長
苔川重行矢田之泰及野村用田宇佐美之族也
親王賜錦旗錦母衣於知久祐超曰汝忠貞匪懈皇

家之有汝猶車之依輪也故知久氏徽識以車輪自
此始也親王祠東北曰御所平親王所憩地也世傳
親王至此瘡荒村婦煎常山進之親王一嘗而瘳乃
誓曰吾願使此鄉無斯病至今一村如其言親王所
親書大般若經二卷傳在大龍寺亦在克翁院院舊
聖光寺也青山師重謚日照光院清若智淨大居士
施井宗徹曰大圓長譽羽川景庸曰智真淨譽義視
世良田義秋曰依正義傳道伴今茲浪合胤久後藤

基憲後藤基命與大龍寺大願及一村人謀諸祠官
近藤正峰立碑大山田神主大和守鎮西清濱山本
村竹村篤實獎成其契云

天保二年辛卯三月

尾張國儒官秦鼎謹述

浪合 浪合胤久

後藤基憲

近藤政峰

後藤基命

等立石

行雲樓遺稿附未

佐藤飛卿墓表

塩谷宕陰

知人自古以為難矣。吾未深悟之於心也。其深悟之於心。乃自佐藤君飛卿始矣。自予與君識。所見凡三變。其最後所變。尤足以大驚信乎人之不易知也。而君年僕廿二。病療^瘵以沒。哀夫。君諱雄。飛卿其字。父諱意仙。母木下氏。世為信州和田人。丙申歲。予弟量平游上國而歸。有蓬累鶉衣相伴者。即君也。分量平請入予門。君為人質而不推。慧而不翽。信山幽僻中出。若人。予以為不易得也。居月餘。讀書滔々不礙。把筆屬文。蓬勃有逸氣。予頗驚焉。是秋。信州饑。閭里騷然。

君歸侍親未幾嬰病明年遂沒前沒數旬君自知不起然顧念親之深憂也親在側力疾起居愉々如君素業醫躬調湯藥取平生所著文詩稍々燼之藥爐亦不令家人知沒後發遺篋空如也將屬續君開日視家人曰呼吾墓志願請諸晚香先生親號泣許諾遂瞑初君之寓予家々在芝街樓名晚香與二三同志講學其中將俱期晚節之香也而君獨棄吾而逝矣嗚呼予初以君為好人耳未知其才也既知才矣未知其心也今觀其視死生如晝夜晝頌客委命非志定神靜者何以能此噫嘻可謂非常之士也耳矣雖

則短折其骨猶香也君有二姉性悃孝弟從諫方清水東庵學醫術頗驗及沒隣里有篤疾者至曰元達而在豈至于此也元達君別字也其死以天保八年十月十二日寔安在和田真定寺係之以辭曰零落黃花短籬下憐渠猶趁晚香忙嗟此飛卿病中咏蝶作也豈非其精為蝶而揚邪不然當其魂升魄降之時奚得吐斯餘芳和田之里真定之岡有魁乎梅殿乎菊終古而不朽者非飛卿之香耶

行雲樓遺稿附末

松島履卿墓表

塩谷宕陰

弘化甲辰正月十二日、高島藩松島君履卿、年三十
 一客死于江戸、其兄子德在高島、聞病篤、飛駟馳至、
 予則君死已數日矣、於是子德踵子、屬以墓表、予知君
 久不獲辭也、君諱坦、字履卿、一字元碩、信濃諏方人、
 始祖曰小笠原左馬助政豐、深志城主、正三位信濃
 守持長第六子也、食采小縣郡、傳子彦太郎政行、孫
 對馬助貞實、移伊奈郡松島邑、始以松島為氏、弘治
 中為武田氏所滅、對馬助有子曰貞基、六七傳家稍
 衰、至源右衛門政利、徙居諏方、以劍法授徒、寔為君

明治十六年三月初七夜校

五世祖曾祖諱政辰祖諱政賢考諱政長皆以醫為業君以家素著姓而中微也少有奮拔志年十八負箬如京師學猪飼敬所門後來江戶者三從古賀佐藤二博士游旁學醫多紀氏其初至于東也突然叩予門家僮走告曰有癩而皆瞳光奕奕云出自信山請謁焉延入曰身為松島元碩今年二十二請受業門下予辭曰吾長君僅六歲材學淺劣靡能為人師特以母老家貧課兒童以助養耳君憮然去明日齋川士龍書以至堅申前請士龍予故人而君嘗同學京師者也予不得已舍之待以朋友而君與童穉執

洒掃勞忻々如也君才清而氣爽酷好古文秉筆直寫胸臆不屑々予辭句常服葉水心語立言以閔世教為期居家孝友二十喪父事兄如父母嘗病癰痛甚其為吮之卽瘳壬寅歲將復東問母曰令兒殖貨以侍養與立身揚譽以昌家聲孰樂母曰立身哉君乃夫寧破產以成學慨然就程而母子昆弟竟成永訣矣哀夫君以父蔭受俸若干母小笠原氏性嚴有識解深知學問文章為可貴迨君死不甚哀毀以表墓石鑄遺集謀身後之名為念殆乎所謂有是母有是子者歟要大熊氏無子沒後宗族相共謀以外姻伊

藤定章次子政正為養子、葬諏方來迎寺先塋之次、
釋謚曰光明院文譽居士、

明治十六年正月初七夜校

文章奇觀統編卷三
才六

侍從公墓誌銘

佐久間象山

嘉永五年六月壬子。故侍從真田公。薨於江戸櫻田
新橋之第。以翌月某甲子。訖。葬於信濃松代先公之
兆次。前期。今公命臣啟為之誌。臣啟謹按。公諱幸貫。
字一誠。真田氏。丑為杵代城主。世系氏族詳于史。昏
公本松平氏。故少將白河城主。定信君第二子。而東
照神祖八世孫也。先君幸專公。乞養為嗣。以女配之。
因氏其氏。文化十三年十二月。叙從五位。任豐後守。
文政六年家督。改伊豆守。後又更信濃守。天保二年

十二月叙四品。十二年六月擢為加判列進侍從。十五年以疾辭職。嘉永五年夏益病請朝致仕。號遂翁。今公承後。後月餘遂不起。享年六十有二。夫人本井上氏。故濱松城主河內守正甫君之女。以其真田氏生也。幸專公養以為子。公有三男二女。連夫唯一女。適隱岐守朽木君。初乞島原城主松平君忠馮第八子幸忠君為嗣。早卒。乃養今公之考幸良君。定信君之季子也。任豐後守。又先卒。今公取年十歲。林雄若立為子。今信濃守。公生有異質。聰慧絕人。氣貌姿爽。聲如遠鐘。少母文武學。挺然自奮。未及弱冠。名聲

顯于遠迹。其接人和以有容。其處事敏而能斷。取煩善易制。大若細。倉卒之際。人未及思。謀而公則從容出之。妙合至理。逮入嗣。善夏太公太夫人。愛敬誠至。一若所生。其施於有政。惠而有制。嚴而不刻。洗垢易弊。以新邦信。益篤儉素之風。以躬先之。其衣食居所。平民所不能忍。公處之晏如也。其自奉之至薄。人或以為慳。然至於備海警。鑄巨礮。慮水患。嚴隄防。振學政。育人材。雖費數千金。弗吝。聽言納諫。類如嗜飲。雖有不懌。未嘗見聲氣。及過中年。德容益粹。溫厚慈祥。未有不懌。薰人。其與人言無陰易。賢不肖皆使之自

暴
得輸其情。人有過失。含容隱匿。惟恐其或宣。人有一
善。欣欣稱道。惟恐其或不宣。故雖剛復暴慢者。望公
之貌。聽公之言。莫不意阻氣消。而退稱其賢。是以大
小諸侯。慕其德義。就之質疑。歎惑者日衆。公負天下
重望。方當朝政。聿新賢能。彙進。一旦立朝。殆將伸其
美志。以大其利澤。而病不久。其位又不究於壽考。及
聞其薨。公卿大夫。下至布衣諸生。莫不痛惜。而傷惋
曰。吁。余矣夫。公善御馬。善拳法。有韻學者。輒諄諄
誨之。其他武夫之藝。咸出等夷。然常能韜晦。不輕以
自試。故雖近侍左右。莫之能窺。公在淄池之第。日有

蛇登庭樹。狀甚惡。左右持杖欲擊之。高不可當。公執
小弓。放一矢。隨手墜地。其藝之精。大率類之。然公知
信仁勇。人君之量。大有過人者。或以技能之未稱之
淺乎。其為言矣。銘曰。
既孝且仁。又儉以勤。均其貴也。而莫與之倫。山為谷
海揚塵。後之人視諸斯文。

力士雷電之碑

佐久間象山

力士雷電。信濃小縣郡大石村人。姓関氏。父曰
 異半右衛門。母後藤氏。雷電生彊有力。甚甚。其兒
 戲不類人所為。睹者皆駭。年十八九。身長六尺
 五寸。肢幹如鍊。而貌温厚。自然可親。來江戶。從
 力士浦風學相撲。無幾。何以其技冠于天下。雷
 電之辨。都鄙藉藉。稱不置。上自大將軍公。以洎
 列侯。屢召使闘技。而觀之。亦莫不偉其狀。受其
 貌。而惜其魄力之無能。偕抗。初雷電入相撲羣。
 其所對敵。動有殘傷。苦難闘。能於是其技之老

相。訊。禁。其。手。勢。尤。難。當。者。三。人。始。得。安。與。之。相。
角。然。卒。莫。之。能。勝。也。歷。選。力。士。之。徒。蓋。建。纛。以。
來。一。人。而。已。矣。嘗。以。技。仕。松。江。侯。後。辭。歸。以。文。
政。八。年。卒。家。壽。五。十。九。雷。電。去。世。二。十。七。年。孫。
彖。行。欲。述。其。祖。之。蹟。傳。于。無。窮。乃。礮。石。於。其。村。
之。道。傍。特。未。謁。辭。昔。越。前。秀。康。卿。在。伏。見。召。名。
妓。國。兒。觀。其。舞。而。泣。人。怪。問。之。曰。今。天。下。女。子。
千。萬。人。此。女。為。第。一。吾。生。丈。夫。不。能。為。天。下。第。
一。流。大。有。愧。於。此。女。故。泣。今。予。為。雷。電。識。于。斯。
碑。亦。殆。將。泣。也。系。曰。

信山崇俊。信水清駛。神氣所鍾。迺生瓌偉。吁嗟。
雷電。力武無以。間世一出。固天愍爾。我為士人。
不能魁琦。為爾勒銘。心篤忸怩。

敬齋武居先生墓碣銘

塩谷岩陰

是為福島故學頭敬齋武居先生諱端字章甫墓。父
曰平井藤藏。母武居氏。幼為外家所養。因冒其氏。先
生生而聰慧。有記性。父授以雜書。便能暗誦。稍長。從
人受經。父素卑賤。祖母謂讀書非皂隸所宜。禁之。於
是先生竊自誦習。既而為廁養卒。日在公厨下。席地
以坐。暇輒繙書。時其主蘓門公告老。文詩自娛。延渡
邊方壺為客。以教導後進。先生亦竊從學。或有賞會
先生饋行厨。公聞其能詩。使侍臣賜題試其業。先生
深自感奮。矻矻刻勵。公聞而嘉之。為屨人以自近。及

公赴江戶。使執贄古賀精里及樺島石梁。業益進。先生學博而守約。詩清淡古秀。如其為人。公大加眷注。舉為茶博士兼助教。後陞近習兼學頭。性渾樸謙虛。寡嗜欲。既起自側微。得以經藝昵近。常思盡瘁納忠。時或侍燕。從容論修治之道。及今公嗣立。頗有所黜陟。蓋出陰贊冥輔之力。然天資縝密。未嘗漏泄。人以為有石慶孔光之風云。弘化三年。轉監察兼學頭。如故。時計衙賦逋弘多。籌筭不清。於是別開經理局。執事與計吏會議。以釐革宿弊。先生以監察預焉。先生躬如不勝衣。而至義利之際。明辨猛決。不毫挾私假。

借。以故上下敬信之。居數年得風疾。致仕。安政二年九月初四日沒。年七十一。葬邑東興禪寺。配百瀨氏。生二男。先沒。長曰彪。文甫。次式。馨。後配松島氏。生一男一女。男大。女適人。孫男女若干。先生事親順與人交。無畛域。訓子弟和易而摯。性彊力善勉。藏書大率保其手寫。嘗謂著書等身。吾豈敢。但所謄寫。殆將過五尺身。以遺子孫耳。文甫能紹述家學。性亦克肖。今續父職為學頭。其初生。方壺謂先生曰。子家自此昌矣。果如其言。有詩文稿若干卷。文甫具行實請銘。先是三十年。予游福島。見其諸士。座有一老儒。恂恂惟。

謹予時年少氣粗引大白放言不自知曠禮於長者
後聞之其老儒即先生也嗚呼先生之醇謹如此而
予之疎狂如彼今而思之殆予欲愧死矣即至表墓
之辭安足顯揚其美而不敢辭者以辱一面之識也
銘曰

山水清冷之氣鬱蒸生美玉精金惟蘇門公闇然修
道於蘓山之陰厥下乃有不期而應焉者金孕厚土
石化為琳猗嗟先生際時奮起亦一鄉之琛也哉

東洋新報第四十号十葉

陸軍一等兵卒湯本寅吉戰死碑

北村方義信濃人

寅吉諱兼彥湯本氏本姓曰滋野寅吉其通稱也父
称杏井紋母田村氏信州高井郡科野村人為入天
資和順而骨格雄偉明治六年中徵兵之撰編入於
東京鎮臺既而移于高峯營後復歸于本營更轉之
於北越新癸田九年五月役滿歸鄉而為第一後備
軍十年二月再出在東京營遣西南之役起乃屬大
隊長八木陸軍中佐以三月十八日癸橫濱港從肥
前長崎進至於肥後川尻敷激戰愈奮愈進四月二

十日大戰於木崎，終為中銃丸而死。明年二十有四，
官即埋葬之於同國宇土郡松合村云。今茲十一年
五月，友人某齋其行狀，未曰：鄉黨諸友為建碑於舊
里先學之次，將傳芳躅於永遠，因使余記其梗概。余
也碌、謏才，固不足以揚其美，雖然，性樂稱其躋、
亦不敢辭也。嗟夫！小慧自喜，趨營奔走於一世之間，
而生死曾無損益於國者，天下滔滔，皆然。嘗比諸身
殉於王夏，一死永垂於青史者，則其得喪果何如哉！
由此觀之，稟壽之修短，固不足深論，而身後之榮，其
可庶幾乎乃銘曰：

壽夭命已，修短何論。惟此芳躅，人逝永存。社山之下，
科野之邨，刻石於茲，以慰靈魂。

退筆冢銘

一等編修官從五位川田刪撰
昔者信州有一男子母死棄祖母於山中是
夜月色澄明寢而不寐忽思平昔恩義作歌
陳情迎歸孝養因名其山曰棄姨夫學問之
道難於登山師生之恩與母子無異而近日
子弟路人視其師逆旅視其塾朝未暮去向
背無常雖曰輕薄可憎抑亦由誘掖董陶師
無其德也本州中之條村距棄姨山僅數里
有中島翁者焉名篤字貞則別號璞齋又幸

民堂為人仁厚嗜學喜詩歌尤工筆札傳尊
 園親王遺法執贄入門者七百餘人愛慕服
 從猶釋見之於慈母今茲辛巳翁年七十有
 六矣退筆成山情不忍棄僉曰吾師之所不
 忍棄吾輩寧忍棄之乎乃築冢瘞之以為翁
 壽藏遠馳書幣乞銘於余余為之銘曰
 呼為髡友體健心堅呼為舊將功存業傳智
 永十甕獨孤方軌斯旌斯表斯爾其思有屹
 馬鬣不崩不蹇我製銘詞頌擬南山
 明治十四年二月 一寺編修官役五位巖谷修書并篆額

信濃宮髻塚碑

姨捨山近住侍思頃夜多思月を見多思侍
 侍思

君のくまのきくをるはうをむんきくはひあけ命をくま

陸路之記 上ノ三ノ三ノ明治十一年九月八日長野縣下ノ余

信濃宮髻塚と誌せる標々々々信濃宮と其後醍醐の帝は皇
 子宗良親王の御事なり一町けり入る碑あり表し姨捨
 山云々裏山大日本史より親王の傳をよきし李花集を勘し

此親王の信濃より... 御言の葉
新葉集... 武藏国へ打越...
侍... 時... 召仰... 李花集...
碑の傍... 石塔婆... 建...
女... 古墓... 建...

此親王の御... 御名を...
と云... 長と... 良を...
と讀... 山所... 御飾...
文... 遂入長... 寺為僧...
事... 中務卿宗良親王
此国... 入道
事

下略

